

十朝东华录

乾隆朝

第五函

函七册

乾隆東華續錄二十五

王先謙敬編

臣周福恭恭校

乾隆十二年丁卯春正月甲午諭朕嘉惠黎元以次輪免天下正供山西通省地丁應於戊辰年全免但該省太原平陽潞安甯武澤州蒲州六府遠沁平忻代保解絳八州及歸化城各協理通判所屬有額徵本色米豆穀麥一項以供滿漢官兵糧餉例不蠲免其實計田納賦本色即與地丁無異今應納地丁者均已蠲免其供輸本色者雖係支給兵餉未便驟予蠲除但此次特沛恩膏亦應量加愷澤俾伊等得以均霑著將太原等府州縣應徵本色酌免十分之三其大同朔平二府地處邊瘠頻年歉收著全行蠲免該部即遵諭行○丙申諭國家立綱陳紀布在方策所以明昭代之章程備諸司之職掌以熙庶績以示訓行典至鉅也大清修於 皇祖聖祖仁皇帝康熙二十三年越我 皇考世宗憲皇帝御極之初即允禮臣之請開館重修九年告竣刊梓頒行閱今又二十年矣其間因時制宜屢有損益向來諸臣每有以重修為請者朕以國家定制豈容數更踵事增文自有部冊故槩未准行近以幾餘時加披覽閱為討論乃晰由來有不得不重修者蓋緣編纂之初諸臣或沿襲舊文未經考證或略存近制未溯本源或限於案牘之不全或誤自參稽之不審而又未嘗請旨取裁斟酌至當故舛謬疏漏均不免焉夫虛糜分職具載典謨周室經邦邦於官禮書日監于先王成憲又曰其爾典常作之師既謹度以惟貞宜有條而不紊矧際重熙累洽之期當禮明樂備之日敢幾慎憲職惟其時是當博考朝章詳稽故實正舊編之舛繆補紀載之闕遺用廣成書垂示法守所有一切開館事宜該部定議具奏○丁酉特授席吉士張若澄為編修○己亥諭福建閩縣地丁項內有先賢二十三祠祭產田糧一項本朝初年優免後於雍正五年該地方官清查盜額錢糧之時誤將此項作為盜額報解歸公見在追徵充餉朕思祠宇祭產供俎豆牲牲之用歷來優免以恤耆祠後裔原屬國家曠典著該督撫查明豁免永著為例所有此項歷年未完積欠一併蠲除○王寅大學士等議覆升任福建巡撫周學健奏閩省沿海貧民生計維艱因思上竿塘下竿塘西洋嶼東嶼白畝東洛西洛大嶺山小嶺山烽火衝浮鷹山四礮山七星嶼南關山等十四島縣延數百里環繞於閩縣長樂連江羅源霞浦甯德福鼎各界若一經開闢數邑貧民皆得藉以謀生向慮有洋盜哨聚因加禁止今海宇澄清遊巡絡繹竿塘等島更屬偏近內地應請一併弛禁令殷實土民前往開闢等語係為貧民生計起見但事關海防必審度形勢籌酌盡善應飭交該省督撫再加查勘定議從之○癸卯准福建商民赴臺灣販運米穀○甲寅命大學士慶復查閱甘肅營伍○乙卯賜準噶爾台吉策妄多爾濟那木扎勒敕書曰爾爾爾爾能仰體朕加恩之意諸事俱遵旨辦理如此恭順必能安爾屬下利爾部落朕深為嘉悅所奏往西藏念經人等有俟貿易後始往念經有即將貨物帶往念經者俱懇在哈爾爾得卜特爾過冬俟貿易人由東科爾爾同會齊同往之處俱已照所請行至爾使臣馬木特口奏念經人需用牲畜祈降旨願羅爾令其協助東科爾爾貿易時俱令以銀兩交易等語頗羅爾雖受朕封號究係遠方部落之人非內地臣民可比其資助與否朕未便降旨至需用馬匹口糧朕自加恩照前賞給即頗羅爾此次或多為資助亦未可定至貿易人等銀貨交易止可各從其

便不可以官法抑勒但爾既特行奏請亦非甚難行之事見在照看爾使臣前往仍派侍郎玉保已令玉保與爾使會商計議而行爾使同時自能詳告也嗣後爾宜益加敬慎承歸和好以體朕廣教安民之至意特敕付來使齋同隨敕賜各色段十端粧段十端玻璃瑱瑱器十八事○以吳謙銘為廣東按察使曲直隸天

二月壬戌諭據密古塔將軍阿爾泰奏稱永吉一州設在吉林烏拉係密古塔將軍所轄地方該州向隸奉天府一應辦理旗民事務俱申報府尹轉咨不但稽延時日且於辦理事件多至掣肘請將永吉州改設理事同知屬密古塔將軍管轄等語著照該將軍所請永吉州改設理事同知管理該州事務其作何裁改一應事宜交與該部定議具奏○癸亥 上御經筵○丙寅兵部密議福建巡撫周學健奏請閩省營員迴避本省一疏得旨此所奏密議閩省營員迴避本省因周學健奏該省兵弁積習驕悍瞻徇掣肘就事論事專從閩省而言但各省營弁俱不迴避本省而獨行之於閩夫營員瞻徇掣肘之習豈惟閩省為然從前慶復亦曾奏演省武員專用土著宜為變通可見各省情形大率相類即所謂密令該督漸次調補雖係潛移默化之道而閩省人員不無揣測疑議且於事理亦未為公當在古人官於故里臨治其鄉者史冊多有然時勢不同伊等即於民事無涉而瞻顧親情在所不免迴避之例既可行之文職何獨不行之武臣既欲行之閩省何獨不行之他省除千把微員照所議無庸更調外其守備以上俱應隔省補用其水師營員洋面情形雖別而操防駕駛略同且閩粵江浙相去不遠亦應隔省調補著兵部一併另行詳悉定議具奏國家辦事明白正大原無可隱諱即使稍有闕遺亦所謂君子之過如日月之食人皆見之雖密亦無能掩至於事當詳慎自有不可不為謹慎之處究之密於前而不能不明白宣布於後故前降旨部院堂官將密議事件如何刪節行文分晰定議看來事經交部勢即不能甚密且機務繁多章程難於賅括而無知之輩不知密議向來所有一似新設科條反以滋其疑議殊未妥協朕思軍機處係機密之地所交密議章奏本無宣洩其應交該部密議者嗣後俱交軍機處記存檔案交發部議其奏事處所奉密議事件著亦交軍機處記檔轉發其應行裁節者隨時斟酌旨如此則檔案有可稽查事機始終慎密亦無由啟竊測揣度之弊前所定議原旨不必行○丁卯截漕糧十萬石於山東備賑○戊辰 上謁 東陵啓鑾○壬申 上謁 昭西陵 孝陵 孝東陵 景陵回鑾○癸酉諭軍機大臣等據紀山奏稱大金川土司莎羅奔侵占革布什咱土司地方彼此仇殺又誘奪伊娃小金川土司澤旺印信並把守甲最地方揚言欲攻打革布什咱等語苗蠻易動難馴自其天性如但小小攻殺事出偶然即當任其自行消釋不必遽興問罪之師但使無犯疆圉不敢侵擾於進藏道路塘汛無梗彼穴中之鬪竟可置之不問如其仇殺日深勢漸張大或當宣諭訓誨令其息憤甯人各安生業亦當相機行事聲威足以懾服其心使之弭耳輪誠方為盡善苗蠻頑梗無知得其人不足臣得其地不足守邊屯蟻聚無足深較倘果有抗拒侵軼不得不宣布皇威以全國體亦當相機宜慎之於始不可輕為舉動但不可因遵朕旨即或有關國體不得不示以國威者亦一味因循惟在慶復紀山等詳審事勢令輕重合宜耳即如贍對一事初亦非敢有侵

犯而一經辦理不免命將出師並由京城派員前進直至大學士廳復親往經略始得安輯皆由事前不能先有成算以至於此足見撫馭遠夷全在機宜合要邊吏喜於生事營弁不知遠謀往往過為張皇因小釀大不知千鈞之弩不為鼷鼠發機惟當善修守禦厚蓄聲威令其畏憚奉法恩撫威懷各得其道先事豫籌無致輕有舉動○甲戌 上幸盤山○申禁喪葬演戲○丙子飭修永定河堤壩○裁浙江王環同知缺移温州府海防同知駐王環○已卯諭向來下五旗大臣官員內有因宣力出色特恩擢入上三旗者四川巡撫紀山係平郡王屬下伊父額勒恩特依曾在軍營宣力陣亡紀山在巡撫任內亦甚勤勞著將紀山擢入正黃旗滿洲旗分再理藩院尚書那彥奏軍力多年著將那彥奏擢入正白旗蒙古旗分○癸未 上還京師○丙戌大學士等議准福建巡撫陳大受奏運羅產米甚多向例原准貿易向來獲利甚微與販者少今商人等採運羅木料甚賤易於造船自乾隆九年以來買米造船運回者源源接濟較該國商人自來者尤便但無牌照可憑稽查未為嚴密且恐守口兵役藉端索詐致阻商民急公之念應請給牌照以便開津查驗其無米載回止造船載貨歸者應倍罰船稅示儆從之○丁亥 上親耕藉田○諭武員定例部推用選之缺向即迴避本省惟題缺各省督提有將不省人等豫行保舉缺出聖補者亦有指缺題補者部中雖執例不准而朕施恩在用人者多故武員之用本省者率由於此也乃武員習為常竟似應行補用本省而以調用別省為苦矣即升銜調缺亦多以為未便試出部中推選豈能坐用本省之缺此皆以一己之私見昧國家之常度不知官員迴避本省原屬定制當然即准其題補於五百里外及以隔府別營補用亦不過為地方人材起見並非令伊等得以自便其私今兵部議令遵照定例迴避自應仍復舊制第念伊等既經保舉註冊必俟別省缺出始行聖補未免需次艱難朕思副參為武職大員不應題補本省之人嗣後無論陸路水師缺出俱著停其題補其遊擊都守等官與副參官級稍遜且有副參統轄稽查諒亦不至瞻徇聖肘可仍照見行之例辦理此係朕格外體恤之意非為伊等寬其繩檢也至年滿千總一項部議發往他省伊等係本省拔補微員候補人多一時難以得缺發往他省不無俯仰拮据之慮仍著留本省補用其副參等官作何迴避升調之處該部另議具奏尋議水陸副參分別升調八款一水陸副將向無論俸推升之例應即於各該督所轄省分內酌量對調一陸路參將為數無多且俱係小銜一二年間照例推升加銜一等改調他省此時毋庸改調一水師參將除廣東肇慶內河水師一缺外並無部推之缺嗣後遇俸滿推升臣部將該員升銜一等請旨分發鄰省以相當之缺題補至籍隸本省水師之大銜遊擊例應推升參將者嗣後本省不便保題遇俸滿推升亦照此辦理一已經錄保註冊應升副參之參遊內有籍隸本省者臣部於鄰近省分互相掣調一水陸見在遊擊籍隸本省者仍准一體錄保照見在分定鄰省掣補之例掣補一參遊推升例應留任一次者繫不准仍留原任即如銜一等令赴新任一河營無操防地方之責嗣後缺出該省將籍隸他省之河員題補如無他省熟諳河務之員仍於本籍人員內保題請旨補用一已經題補未經引見之籍隸本省副參俟引見時於綠頭牌上聲明請旨簡調從之○戊子原任內務府大臣丁卓保年屆百齡賜 御書扁額及朝服

銀幣○己丑駐藏副都統傳等據郡王頗羅鼐告稱訪得策卜登台吉已獲罪被殺並其妻子及其叔父果莽堪布喇嘛皆被殺果莽堪布喇嘛之缺已令扎什倫布之阿克巴喇嘛補授阿克巴喇嘛之缺已令羅卜藏丹怎補授策安多爾濟那木扎勒之姪女許與拉藏汗之孫納噶查為妻見在彼處所最重者是納沁宰桑納罕宰桑巴雅斯瑚朗宰桑小策零敦多卜固子宰桑等但因其台吉已亡新立台吉年幼用事之人彼此不和惟恐阿卜都爾噶里木哈薩克土爾扈特等處發兵襲之所以防範卡座甚嚴報聞○是月大學士管川陝總督公慶復奏審訊故道阿炳安侵略一案嚴鞠協領德明奇額銀兩已據招認惟銀數不符見在審究查追又據阿炳安家人蘇勒供稱乾隆四年正月曾將銀四千兩用木匣盛送大將軍查那阿交伊家人安七轉呈收受等語但一面之詞未便指為確實安七又在京師難以查辦謹據實奏聞得旨查那阿係 皇考所用之舊大臣朕不忍置之於法此事不必根究朕自有處

三月癸巳 皇后行躬桑禮○乙未裁陝西同州府潼關縣歸撫民局知轄○丙申重刊十三經注疏二十一史告成 御製十三經序曰班固氏曰六學者王教之典籍先聖所以明天道人倫致至治之成法也漢代以來儒者傳授或言五經或言七經暨唐分三禮三傳則稱九經已又益孝經論語爾雅刻石國子學宋儒復進孟子前明因之而十三經之名始立自宋易漢唐石刻之舊五經始有板本及明南北監板行而箋疏傳義臚列具備學士家有其書傳習彌廣顧訓詁繁則踏駁互見卷帙重則家亥易謁或意晦於一言之外或理乖於一字之謬校雠疏略疑誤滋多承學之士無所取正我朝 列祖相承右文稽古 皇祖聖祖仁皇帝研精至道尊崇聖學五經具有成書頒布海內朕披覽十三經注疏念其歲月經久黎棗日漸漫漶爰敕詞臣重加校正其於經文誤字以及傳註箋疏之未協者參互以求其是各為考證附於卷後不棄舊觀刊成善本非徒備金匱石室之藏而已書曰學于古訓乃有獲傳曰經籍者聖哲之能事其教有適其用無窮朕咨采較幾實無審定之暇亦無鑒古之藏而惟是緝熙遜志日就月將則有志焉而不敢不勉繼自今津逮既正於以窮道德之淵奧嘉與海內學者篤志研經尊崇實學庶幾經義明而儒術正儒術正而人才昌厥先王之道以贊治化而宏遠猷有厚望焉 御製二十一史序曰七錄之目首列經史四庫因之史者輔經以垂訓者也尚書春秋內外傳尚矣司馬遷創為紀表書傳之體以成史記班固以下因之累朝載筆之人類皆矚掌故貫舊聞旁羅博采以成信史後之述事考文者咸取徵焉朕既命校刊十三經注疏定本復念史為經翼監本亦日漸殘闕並敕校雠以廣刊布其辨議別異是正為多卷本考證一視諸經之例明史先經告竣合之為二十二史煥乎冊府之大觀矣夫史以示勸懲昭法成上下數千年治亂安危之故忠賢奸佞之實是非得失具可考見居今而知古鑒往以察來揚子雲曰多聞則守之以約多見則守之以卓豈不在善識者之能自得師也哉○禮部議覆甘肅巡撫黃廷桂奏甘肅土司與州縣衛往來文移向無一定體制請將土司三品至六品分為三等指揮使及指揮同知列為一等與州縣衛守備往來文移用平行手本食事例為一等州縣衛守備與僉事照會

知難係三品其體統不得與內地之三品等文移平行不足以資彈壓請將該撫所分土司三等之處分爲二等其指揮使及同知
衛守備用牌票千百戶用申文再該撫稱同知管轄土司與知府之表率全郡者相似應將指揮使指揮同知列爲一等與同知文
移用牒呈同知用照會會事千百戶列爲一等與同知文移用申呈同知照用牌票查同知與州縣衛同屬統轄土司之員章程自
宜畫一應令指揮使指揮同知會事與同知文移用牒呈同知用照會千百戶與同知文移用申呈同知照用牌票從之○庚子論
朕普免天下錢糧今歲係安徽輪免之年聞該省有馬田稻租一項係歸公官田不在蠲免之列但念民佃終歲勤動不得一體逃
恩未免向隅著加恩將馬稻租息蠲免十分之三俾耕佃農民均沾實惠○以固倫和敬公主下嫁科爾沁輔國公色布騰巴勒珠
爾授爲固倫額駙○辛丑諭大學士慶復在外多年輪扉重地應召取回京辦理開務昨歲四川瞻對之役甫經告竣今又有大金
川番蠻肆橫不法已命慶復相機征剿今思彼地番眾恃強滋事屢屢不能安輯必須經理得宜始可永就安帖貴州總督張廣泗
於此等苗蠻情形素所熟悉貴州地方料理以來見在妥協苗眾向化可以無虞川陝總督員缺著張廣泗補授不必來京即由貴
州取道速赴川省大學士慶復俟伊到川之後將彼地事機情形詳悉告知或可同京或仍應留川一同辦理自行酌定不必急於
赴闕也雲貴二省原係一人管轄著仍復舊制即以張允隨授爲雲貴總督圖爾炳阿著授爲雲南巡撫孫紹武著授爲貴州巡撫
由本省布政使選補
周爲貴州按察使由撫選補
王寅大學士查耶阿以老病乞休允之○以永貴爲雲南布政使由補選補
以恆文爲貴州布政使介錫
誠實心效力今聞溘逝深爲軫悼著加恩於彼處收貯錢糧內賞銀一千兩料理喪事例應遣大臣致祭著派索拜前往祭奠應行
卹典該部照例查奏朕從前因念伊奮勉馳誠降旨令頗羅爾保奏一子承襲封爵頗羅爾保以次子珠爾默特那木扎勒堪以效力
具奏業加恩封爲長子今辦理藏衛格隆事務之人即將伊子珠爾默特那木扎勒堪封郡王但年尚幼小甫經襲爵辦事格隆等
務如頗羅爾保在時同心協力勉辦理著傳清將此旨通行曉諭知之○丙午命高斌爲文淵閣大學士兼吏部尚書以來保爲吏
部尚書協辦大學士調海寧爲禮部尚書以傳恆爲戶部尚書德爾敏爲戶部左侍郎由吏選補
已酉諭軍機大臣等據紀山奏
大金川土司莎羅奔勾結黨羽攻圍霍耳章谷干總向朝廷陣亡並侵壓毛牛槍傷遊擊羅於朝等語經軍機大臣議令該督撫等
迅派官兵遴選將弁統率前往相機進剿已星速行文知照前將張廣泗調任川陝總督已諭令速赴川省今觀紀山此奏勢不可
緩可再傳諭與張廣泗令其即速前赴會同紀山相度機宜如慶復已經赴川一同商酌進兵迅速剿滅毛牛迫近西爐逆酋敢於
侵擾傷及官兵勢甚猖獗總因前此瞻對之事辦理未善無所懲創不足以震懾羣心而所遣將弁輕率寡謀不知用兵節制兼之

崇山密箐饋運艱難曠日失時烏拉死傷甚眾此皆前事之失可爲炯鑒今番千總陣亡由於陷伏遊擊甫經迎敵即已受傷官兵輕進取敗土眾望風奔竄其疏忽輕率漫無紀律已可槩見張廣泗辦理貴州苗匪甚爲妥協此番進剿一應事宜專聽張廣泗調度申明軍律指授方略籌畫糧餉迅速進兵務令逆酋授首剗絕根株以期永靖邊陲張廣泗在黔所知習於軍旅臨陣勇敢足以出奇制勝之將弁若欲帶幾員往川驅使亦可酌量帶往一面奏聞○庚戌濬江天然關○辛亥嚴禁海口需索陋規○乙卯命保送堪勝道府人員○戊午論向來各省鄉試正副考官有通行考試之例亦有令大臣保舉者各科往往不同而外間議論亦不一今歲係大比之年所有各省正副考官著將應行開列人員通行考試其不願考試者聽仍於應行開列中著大學士九卿等將學問優長精於衡鑒者各舉所知密封交送內閣進呈候朕酌用如此考試與保舉並行內有保舉而考列優等者固可簡任文衡卽未經保舉而文藝入選者亦一併簡用則人材不致屈抑而眾心亦當允服矣該部卽遵諭行其非科甲出身及無真知灼見者亦不必強舉

夏四月壬戌論山西布政使陶正中前任直隸道員來京引見時道值天津河間被災之際詢以地方情形伊陳奏賑恤事宜尙能明晰言及民間疾苦至於涕泣朕以其實心愛民之員是以特用爲藩司此朕用陶正中情節並非有人薦舉也去歲朕臨幸晉省見其辦理一切甚覺竭蹶今巡撫愛必達奏稱蒲州府知府朱發優柔寡斷詢之該司亦稱伊在任數年素日辦事亦無決斷難稱表率等語陶正中既知屬員不能勝任何不告知阿里爽而聽其養性廢事乎藩司有佐理巡撫察吏安民之責陶正中止知拘謹自守才力不勝藩司之任著補授直隸清河道朱一斐著補授山西布政使該撫既稱朱發不勝知府之任著解任來京該部帶領引見朱一斐由直隸按察使選○甲子以辰垣爲直隸按察使由天津督○丙寅徐琳以不職革職以劉芳爲湖北按察使由甘肅道選○戊辰命高斌往江南會同周學健查勘河工○命清理江蘇錢糧侵蝕積弊○己巳以那蘇圖署直隸河道總督○孫嘉淦以老病乞休允之以梅穀成爲左副都御史由宗人府承選○乙亥諭大學士九卿奏巡察御史應否差往兩議請旨差遣巡察官員原以令其稽查地方事務之廢弛近因按年輪派遂均視爲泛常毫無裨益反於地方滋擾殊非設立巡察之本意若不必限年更替俟應查之時特派專員往查尙於事務有益盛京等處巡察官員俱照所奏卽令撤回每屆三年該衙門將應否差員之處請旨其臺灣巡察官員應否存留之處著交該督撫定擬具奏到日再降諭旨○命湖南長沙等處培築湖堤堤○丙子命福建籌備臺灣積貯事宜○丁丑諭從來親民莫切於縣令而知府表率一郡職任尤重欲望其政平訟理易俗移風非久於其任不可漢宣帝詔曰太守吏民之本也數改易則下不安民知其將久不可欺罔乃服從其教化誠至言也朕臨御以來念保安元元守令最要尙向直省督撫降諭旨但未定有成例俾得循循是以未見實效卽如州縣中才具稍優者督撫或奏請調繁或題補升用知府則薦擢監司在督撫爲官擇人練達之員試有成效爲憑就自改切玉爲可見定其

野乎知府賢則屬縣各修其職監司體制雖隆而所職不過分巡轉運或專司鹽糧轉不若知府之專有責成與屬縣較爲親切今以能勝繁劇之知府擔任監司反若置之閒地不得盡展才猷且此題升超調者不過幹辦敏捷一時見長未必皆古所謂惛惛無華日計不足月計有餘循良之選也卽果係循良人地相宜而此地得一良吏卽彼地失一良牧孰非赤子孰不當善爲撫字而顧數數更易乎况能員既得優卹升調則熱中躁進之員惟事逢迎上司要結取譽以祈速化又安望其留心實政盡父母斯民之道也但榮進之念人情不免若非定有成規示以獎勵則歲月淹久必致自棄志氣而吏民無識亦謂其不爲上司所物色或啓疲玩之習不足以鼓舞人才振起治術漢時守令治行優異輒以璽書勉勵增秩賜金寵以車服有爵至闕內俟者兩漢循良冠越唐宋今或傲其意而行之守令實能爲地方興起教化勸課農桑興利祛弊發奸摘伏阜安閭里者定以年限或予紀錄或加級或加銜食俸仍留原任在恬靜自安者既得從容展布以收績效卽躁進之人亦知格於成例不致視一官爲傳舍並可潛消奔競陋習於吏治人心不無裨益嗣後直省守令除特旨擢用及該地方情形不得不奏請調用者許其酌量聲明保奏外其如何酌定年限示以優敘俾可久於其任之處著大學士會同九卿詳議具奏尋議定例繁簡互調原爲酌量人地起見今各省督撫多有因調一缺將缺缺遞行轉調借調補之虛名爲趨避之捷徑殊非久任愛民之道伏查雍正六年九卿議覆廣西巡撫金鉉條奏將各省道府同知通判州縣各缺分別衝繁疲難除道府請旨補授其同知以下四項三項相兼者於見任屬員內揀選調補原恐初任之員貽誤地方是以分別辦理雍正十二年直隸總督李衛奏稱從前所定繁簡未確當奉旨令各省督撫詳查據實具題經各督撫更正有將選缺改爲要缺者亦有將要缺改歸部選者乾隆七年奉旨各省道府同知通判州縣等缺從前督撫辦理時不過據屬員開報以致繁簡之閒多不的確著吏部行文各省督撫將從前所定各缺悉心妥議務期名實相稱亦經遵照酌定在案近年來各省仍有陸續奏改者是同一地方同一職守繁簡前後互異更改不一總之督撫酌留要缺在外題補本爲鼓舞人才但所留之缺既已不切當又多遷就徒啓屬員覬覦今若仍照雍正六年以前部選例悉行裁改未免驟覺更張應再通行各省督撫將見定應題應調各缺詳覈更正造冊奏報其直隸州知州一項向不歸部選未便酌定但知府內之衝繁疲難者今亦請旨補放直隸州知州各缺應一併分別酌定統俟各省覆齊臣等再將更定各缺作何補用並如何酌定年限示以優敘之處一併詳議請旨從之○戊寅諭廣覽吏部奏議國建一本止就伊自陳本內之詞議以才力不及降調前日察議孫嘉淦亦照伊自陳之本議以休致此雖因翼成案而朕以爲不然蓋孫嘉淦前因總督任內不能稱職有罪革退後復加恩用爲副都御史自履此任始則識見迂瑣據拾條陳繼則因循保位一言不發而且年老衰邁不勝風憲之任國建前任國子監祭酒時聞有簞簋不飭之處實不勝師表之職固其劣蹟未彰光祿寺係事簡衙門故行調用爲光祿寺卿乃屬員盜竊庫銀毫無覺察且性情偏執並不和衷辦事是以本年京察將伊二人察議所謂察議者察其過而議之也若其無過則亦不必議矣吏部職掌銓衡進退人才是其專職今用人一途旣已拘於例

矣而富京察大典正宜激濁揚清如其止就自陳之詞以定去留誰則不能且令點者開巧爲隱飾之端此本著發還另議具奏○
移駐甘肅平慶道於固原加兵備衛○改江南太湖營參將爲副將○已卯諭朕普免天下錢糧令歲係河南省輪免之年開該省
之開封歸德彰德懷慶河南南陽等府所屬有灘地官莊官地義田四項租課因非地丁正賦均不在蠲免之內但念民佃耕種徵
租不得一體邀免未免向隅著加恩蠲免十分之三俾農佃均沾實惠○壬午諭前因山西萬泉安邑有聚眾抗官之案特差侍郎
雅爾圖前往辦理今據奏報於中途患病不能前進又據巡撫愛必達奏稱萬泉縣刁民屯聚多人把守城門看此情形必有巨奸
爲之謀主煽惑愚民逞兇肆惡猖獗至此非尋常聚眾可比著納親乘驛前往給與欽差大臣關防同巡撫愛必達嚴行查辦以彰
國法○諭軍機大臣等從前慶復奏稱班滾及伊家口並惡木勞丁姜錯太等一齊燒死等語甚屬可疑前已傳諭張廣泗令其於
到川時詳細訪查今鎮海營參將袁士林來京引見朕令大學士等詢問據稱泥日寨之姜錯太未曾燒死想姜錯太同在一處彼
既未死其班滾似亦未曾燒死亦未可定等語袁士林雖係得之傳聞但伊親在行聞其焚燒泥日寨即差伊前往舉火而爲此語
顯屬有因可將此情節密行傳諭張廣泗令其將班滾姜錯太等果否燒死之處留心查訪此非張廣泗經辦之案自當無所瞻顧
悉心查訪可以盡得實情即行據實覆奏○丙戌諭向來州縣虧空倉庫定例恭嚴雍正年間復有分賠著賠之例所以懲戒通同
掩飾蒙混徇庇之該管上司令其實力稽查使屬員不致侵蝕此所以爲保全之善術也朕親近年來虧空漸熾如奉天府霍備
任內則有榮大成等五案山西則有劉廷詔之案朕是以照例令各該上司分賠而撥厥由來實緣該管上司見朕辦理諸事往往
從寬逐一以縱弛爲得體獨不思州縣定有養廉用度儘已寬裕何至侵那虧空今民間絲粟固不容妄取乃於帑項正供恣其婪
取有是理乎且倉庫所入出自窮簷小民力作以奉公貪員安享以自利以赤子之脂膏飽貪吏之囊橐其情理深爲可惡而爲之
長者一切置之不問迨至彌補無術則以揭參了事異日無可著追又爲之照例請豁是使貪員得計於目前國帑虛懸於事後而
於其開上下相蒙彌縫巧飾實乃苟且因循廢法欺公之惡習益致參案疊疊成何政體在朕力崇寬大杜絕疑旋罔兼庶愼而諸
臣兼節奉公整綱節紀當查者查當參者參不事姑容不爲蒙蔽乃所爲主職要臣職詳合於寬而有制之正道若一味縱弛其將
何所底止豈諸臣公爾忘私之義耶可傳諭各督撫共體此意痛除積習時時加意稽察據實辦理如仍前寬縱致貪風日熾帑項
侵虧無著傳該管上司是問○丁亥直隸水利工竣優敘高斌劉於義及在事員弁有差○以楊嗣璽爲禮部右侍郎
五月庚寅朔以德通爲左副都御史
科場事務蓋欲使士子潛心誦讀不便紛更成例以擾其心志且亦防弊之一端立法甚善夫三年之內何事不可言而必待場期
已近紛紛陳奏耶孫宗訓摺著交部暫存俟科場事畢另行議奏嗣後如有似此違例條奏者必交部察議並傳諭科道等知之○
論國家者與之典廢以選拔俊異若學殖荒陋者俱得廩名俸進則玉石雜呈主司因而迷目自不可不嚴立限制前此學臣科試

之後復取遺才錄遺之後督撫又有大收其取送甚濫是以議有科舉定額每舉人一名大省錄取八十名中省錄取六十名小省錄取五十名其途不寬果係真才自不復有遺珠之歎但近來士子因科場剔除舊習頗知自愛有志讀書期以實應又當稍展其額以示鼓舞作興之意朕思前議但就正榜定額尚有副榜未經議及著再加恩每副榜一名大省加取四十名中省加取三十名小省加取二十名各學政於考取才時不論生員貢監亦不拘縣分大小但就文理明通者照數錄送入場此外彙不許滙送○戊戌諭前因山西萬泉安邑刁民抗糧拒捕聚眾不法一案特遣侍郎雅爾圖前往查審辦理乃雅爾圖行至中途向巡撫愛必達告稱患病沉重不能前進請醫調治近又稱病勢漸愈緩緩同京向來八旗大臣官員均勵忘私忘家之義卽遇用兵行國若未經派出無不痛哭懇求以從王事其或年老病疾亦情願捐軀於疆場而以優息在牀死於婦人女子之手爲恥此滿洲之舊風雅爾圖身爲大臣豈不知之至此案奉命查辦卽使中途患病理應力疾前往果至不可支持巡撫便至攔阻而義在雅爾圖惟奮往已耳其不能審理案件請旨派人代己而已耳乃自稱病勢危篤逗遛不前究且此案查拏匪類則有賴旗之兵弁在定案參奏疏防則有巡撫以下不善經理之官員在何至就延觀望長首畏尾至於如此較之從前八旗公忠勇敢之風氣大相逕庭矣朕於是防則有巡撫以下不善經理之官員在何至就延觀望長首畏尾至於如此較之從前八旗公忠勇敢之風氣大相逕庭矣朕於是大爲人心風俗慮尙不爲雅爾圖一人而已也雅爾圖既患病著解任調理俟病痊之日自行奏聞請旨戶部侍郎著舒赫德調補○己亥諭軍機大臣等各省督撫養廉有一二萬兩者有僅數千兩者有在督撫俱屬辦理公務而養廉多寡懸殊似屬未均著軍機大臣等酌量地方遠近事務繁簡用度多寡量爲裁益定議具奏尋議查各省督撫養廉銀見在湖廣總督一萬五千兩兩廣一萬五千兩兩江蘇巡撫一萬二千兩兩江西浙江湖南湖北四川各一萬兩不甚懸殊無庸置議外直隸畿輔重地事務繁多總督養廉止一萬二千兩較各省覺少請增銀三千兩山東山西河南三省同屬近地事務用度亦屬相倣且俱係兼管提督而山東山西兩省各二萬兩河南止一萬二千兩請將山東山西二省各減五千兩河南增三千兩各成一萬五千兩之數廣東巡撫一萬五千兩廣西止八千四百餘兩雖廣東用度稍多然相去太遠請將廣東減二千兩廣西增一千六百兩以足一萬兩之數川陝總督雖有節制邊方犒賞兵丁之費然養廉三萬兩較各省過多而西安甘肅二省巡撫西安居腹裏甘肅爲邊地乃西安二萬兩甘肅止一萬一千九百兩請將川陝總督減五千兩西安巡撫減八千兩甘肅巡撫增一百兩以足一萬二千兩之數閩浙總督其道里遠近事務繁簡與兩廣相倣而養廉二萬一千兩未免過多請減三千兩福建巡撫養廉一萬二千兩未免不敷請增一千兩兩江蘇巡撫養廉一萬二千兩安徽則止八千兩雲南巡撫一萬五千五百兩貴州則止八千五百兩亦屬未均請將安徽增二千兩貴州增一千五百兩以足一萬兩之數至各省督撫養廉間有奇零乃從前據火耗之額定數今既經定制零數應刪請將兩江總督養廉銀一萬八千二百兩內去零銀二百兩雲貴總督雲南巡撫各去銀五百五十兩從之○庚子命左通政使張師載往直隸協理河務○壬寅命廣東巡撫所轄粵海關總督永遠兼管不必再交巡撫○以鄂容安爲兵部左侍郎署兵部調蘊著爲兵部右侍郎

○壬寅命虞東巡撫所轄粵海關總督永遠兼管不必再交巡撫○以鄂容安爲兵部左侍郎署兵部調蘊著爲兵部右侍郎京戶

○甲辰夏至祭 地於 方澤以望雨停設南簿○乙巳命刑部清理庶獄減徒以下罪○論軍機大臣等據大學士慶復等奏金川賊番圍攻各寨沃日土司求救隨調松茂協馬良柱帶兵一千五百名救援四月初十二日抵熱龍寨解圍賊眾四散二十三日抵沃日官寨前駐沃防護之副司馬光祖等出迎等語指內頭緒殊未明晰馬良柱以一副將領兵深入似屬奮勇但金酋兵勢方盛不無冒險是否另有官兵策應所報打死賊番名數憑何查驗其自熱龍至沃日何以但有營盤而營兵幾許如何逃散之處俱未敘明又前摺內稱都司馬光祖帶兵二百名駐沃防護今奏稱馬良柱兵到伊等方帶領土司出迎是否俱經被困官兵二百名有無損傷再前摺內稱宋宗璋駐兵離谷騰其馬良柱進兵以後宋宗璋見駐何處作何調度又據另摺指應虎已經到川作何委用俱應一一詳晰奏聞再小金川向與大金川有隙其投順似係實心至綽斯甲等同惡相濟罪無可寬今見官兵勢盛乃稱情願領兵出力報效此等反覆情形狡黠故習何足憑信前此瞻對四朗之案袁士弼一意招撫以致孽黨效尤豈可復蹈前轍不若肅行剿滅無俾易種既可銷除兇惡以靖邊陲即可震懾諸蠻令革心向化不必專以招徠撫恤為萬金苗羽翼之勝算也朕思此等由蠻雖屬化外而叛服靡常端由辦理不善但謂得其人不足臣得其地不足守比之禽獸蛇蛇亦何妨聽其涵孕卵育並生宇宙之間而此等蜂屯蟻聚之眾果可度外置之乎即如瞻對大金川之事亦豈好大喜功實因伊等聲勢日張不得不勞師動眾然前此進兵既不能速得要領臨事又推草率了局官兵甫撤旋復煽動傷威損眾勞費實多若但來則應之去則弗追試思十至而十應何如以十應之勞用之於一舉毀穴焚巢芟除蕩滌之為愈也稽之前事如漢之馬援諸葛亮蠻中至今懷其遺烈即前明韓雍王守仁輩亦能震以兵威羣蠻落坐收一勞永逸之利近日滇黔古州等境悉成樂土具有明效川省諸番亦當加意經營況我朝天威無遠弗屆即蒙古四十八旗自古所不臣何嘗不在五服要荒之外而奉令守藩輸誠內嚮甯輯至今可見含齒戴髮之倫斷無不可化誨惟在德足綏懷威足臨制得柔遠之道耳可傳諭慶復張廣泗等悉心區畫因此番用兵將全蜀情形通盤計度如何可令蠻眾耳帖服永為不叛之臣使叢蠻密箐悉警消烽共安至治熟籌長策詳悉奏聞辦理如果不能辦理政不可辦理情節亦著將實在情形緣何不使之處密行陳奏○丁未諭為國求賢者若渴之心以人事君者忘私之義朕於京察之年令自陳大臣各舉賢自代蓋以政務殷繁資人而理諸臣自當殫竭忠藎舉能其官以副朕籲俊之意乃乾隆九年諸臣所舉已有不滿朕意者然尚猶可諉曰初次所舉不但允協之未曾甄夷考其中瞻顧黨同皆有所不免是不可以不論如禮部侍郎楊嗣瑗以廣西人而舉本省之學政官獻瑞不以官階越次為嫌內閣學士朱定元而舉雲南知府徐鐸是皆藉口朕有章布之士亦許舉薦之旨不知朕之此旨原以待出眾之材必欲為特選者而後稱豈官獻瑞徐鐸輩即可舉以應明詔耶此等處若謂無私諱其信之又如盛京侍郎四人同在一城而所舉彼此相同顯係私許會合並不出於誠也又如戶部侍郎李元亮甫薦湖北臬司徐琳而徐琳即被總督蔡揚額奏奏以為辦事乖張居心詐僞李元亮之保舉何所取耶又如廣西巡撫鄧昌薦舉布政使李錫泰上

年託庸參劾唐毅祖原屬過刻經策楞審明朕將託庸革職因粵撫一時不得其人即用鄂昌署理巡撫而李錫泰為布政使迨李錫泰在京朕召見時伊痛貶託庸之劣而極稱鄂昌居官之優今鄂昌即舉李錫泰以自代其何能免黨同朋比之嫌乎書曰舉能其官惟爾之能稱匪其人惟爾不任諸臣獨不聞之乎嗣自今諸臣其克勉進賢之誼勿苟且以塞責勿似公以濟私勿藏拙以廢公勿勉強以從事本省藩臬本省指紳亦不許舉本省官員著為例○復裁漕糧十萬石於山東備賑○戊申論乾隆十一年分直隸通省額徵地糧朕已普行蠲免其天津所屬有應徵革漁課銀一項向來攤入地糧完納著加恩一體蠲除俾濱海小民均沾惠澤○己酉 上諭 黑龍潭祈雨○辛亥爰必達解任調準泰為山西巡撫以岳濬為廣東巡撫

由山東布政使遷

○大學士公訥親奏萬

安兩邑刁民見已訊供定案萬泉首犯張世祿始而欲飲告狀繼又主謀糾眾逼勒知府擬斬立決餘犯各照律定擬至閩省官弁除巡撫愛放火把門安邑首犯張遠親寫傳單聚眾鬧關李林水鳴鑼糾黨脅眾鬧城並擬斬立決餘犯各照律定擬至閩省官弁除巡撫愛必達總兵羅俊另摺題參外其蒲州府知府朱發萬泉縣知縣李廷棟庸懦貽誤釀成大變都司胡璘河東道周紹儒奉調不前並請從重治罪安邑縣知縣佟椿平日縱容家丁衙役作弊致起釁端參革審竣從重議結得旨三法司嚴議速奏所參官弁俱著革職交刑部治罪○壬子以赫德為山東布政使李敏第為山東按察使

由江南海防道遷

○癸丑諭朕宵旰數幾思所以惠鮮懷保之道

尤勵始勤終怠之戒不敢因臨莅久而有泰心近歲以來科道官時有以民氣漸驕為言者朕初不信仍戒飭之乃福建則有羅日光抗拒拒捕之案山東則有張懷敬聚眾毆差之案江南則有王育英號召罷市之案廣東則有韋秀貞拒捕傷人之案而莫甚於山西安邑萬泉聚眾抗官守門索犯之肆為猖獗也夫以普免錢糧而民不以為恩知恩厚恤而民不生其感德或地方有司辦理少不如意輒呼羣咆哮挾制官長為督撫者或避下急之名或存省事之見不詢根由不顧大體甚或參處官員以圖結案夫百姓敢於恣肆妄為亦由平日不知尊親大義而平日之不知大義則由於朕厚加之以恩齊而不率先之以教化督撫亦惟知朕有愛民之心而不思朕有教民之責居恆煦煦咻咻惟恐拂百姓之意百姓目無官長意若官長去留可操之其手及羣不逞譁然而起而官長則已掛名彈章以致益煽習為故常猶劣子之倚慈母有所恃而無恐且抗衡焉不思守令者朝廷之守令敬守令所以尊朝廷普免加賑格外之矜恤也假如不蠲免不接濟譬之父母不顧其子耳子不得生怨忿之心乃既蠲既賑而轉不安分守法耶即使有司奉行不善胥吏夤緣為奸國有常程民宜靜聽夫父母愛子亦愛其馴順者耳使其子縱欲而不能節之以禮為非而不能裁之以義至於扞法抵牾者必歸咎其父母其父母亦必自悔過縱之失則今日之頑民聚眾干犯刑章朕得不引以為己過深自愧悔也歟然朕雖失教於前尚思勤懇誨迪於後以為眾黎庶勸各省督撫其倡率州縣諄切化導使愚民知敬畏官長服從教令勿復自蹈迷途以益朕過實厚望焉各省督撫其徧行曉諭使遠所窮鄉之民咸悉朕意

六月庚申朔諭朕幼誦簡編心儀 先聖一言一動無不奉 聖訓為法程御極以來覺世牖民式型至道願學之切如見羹牆辟

雍鐘鼓躬親殷薦而未登闕里之堂觀車服禮器心甚款焉仰惟 皇祖聖祖仁皇帝巡幸東魯親奠孔林盛典傳於奕禩 皇

考世宗憲皇帝崇 聖加封重典廟貌瞻瞻朕弟和親王恭代展祀末以命朕意者其或有待歟朕寅紹丕基撫熙熙治思以來年

孟春月東巡狩因溯洙泗陟杏壇瞻仰宮牆申景行之夙志復奉 聖母皇太后懿旨泰山靈巖坤德寶生近在魯邦宜崇報饗朕

不敢違爰遵 慈訓親奉 鑒與秩于岱宗用答鴻貺旋踰青齊觀風布澤以昭崇 聖法 祖教學省方鉅典所有應行典禮大

學士會同該部稽考舊章詳悉具儀以聞應豫備之各衙門查察事宜先期請旨至行在 切所需悉出公帑毋得指稱供饋備

絲毫貽累聞 羽林衛士內府人役等各該管大臣嚴行稽查約束並令扈蹕文武僚臣嚴飭僚從毋得侵踐田疇致妨宿麥如有

騷擾地方指名需索者立即參奏從重治罪通行曉諭知之○癸亥論十四叔允禩從前倚恃 皇考恩眷不遵 訓諭有違弟臣

之義是以 皇考將伊拘禁冀其悛改朕登極後特命釋放賜以公爵家居十數年來安靜循分並未生事則是自知悔悟能改前

非矣使得及 皇考在御必當嘉予恩施朕用是仰承 皇考加恩之意著封十四叔允禩為貝勒照常上朝○丙寅裁漕糧二十

萬石於天津備賑○以奉天缺雨禁商民海運米石○丁卯停新科舉人覆試○庚午命校刊通典通志文獻通考○辛未諭貴州

苗蠻雜處軍務關繫重巡撫文員與通省營弁不相統轄從前擬提各持意見公事遂致掣肘總督駐紮雲南相隔遠貴州巡

撫著提督軍務節制通省兵馬○王申以富德為盛京戶部侍郎_{由副都統}○甲戌諭馬端臨文獻通考一書綜貫歷代典章制度由

上古以迄唐宋源委瞭然學者資以考鏡明王圻取遼金元明事蹟續之煩瑣寡要未足與三通並且至今又百五十餘年矣我朝

監古定制憲章明備是宜蒐擇討論以徵信從其自乾隆十年以前會典所載令甲所布金匱石室所儲典夫近代因革損益之異

上溯宋嘉定以後馬氏所未備者悉著於編為續文獻通考大學士張廷玉尚書梁詩正汪由敦經理其事惟簡惟要所有纂輯事

宜酌議以聞○丙子慶復張廣泗奏小金川土司澤旺率眾投誠並退還搶占沃日三寨官兵進剿大金川攻毛牛及馬桑地方克

之○戊寅移甘肅肅州回民分駐哈密

乾隆東華續錄二十六

秋七月己丑朔日有食之○辛卯諭國家三載實與係掄才大典每科正副考官皆令該部就各省分驛程之遠近按期請點均無

遲誤乃各省之中有數省督撫循例請差者亦有不行奏請者揆厥所由皆因前明季年朝政開茸竟有當大比之年逾期不點試

官以致科場展限者其後地方大吏不得不行豫請至今尚有沿習舊文具本題請之事實屬重複各省又不畫一殊非政體嗣後

惟令該部屆期照例請點其直省自行奏請之處著停止○戶部主事楊可鏡緣事奪職 上以可鏡係明臣楊建後特原之○乙

未諭大阿哥新得皇孫命名綿德朕孫行命名上一字用綿字下一字俱從心字內閣照例恭擬字樣進呈以備選擇○論朕因八

旗漢軍人等生聚日繁家計未裕於乾隆七年特頒諭旨自從龍人員子孫外願改歸民籍移居外省者准其具呈本管官查奏旋

據漢軍都統等分晰辦理允行在案朕觀漢軍人等或祖父曾經外任置立房產或有親族在外倚資生及以手藝潛往直隸並各省居住者頗自不少而按之功令究屬違例伊等潛居於外於心亦自不安朕思與其違例潛居孰若聽從其便亦可各自謀生嗣後八旗漢軍人等願在外省居住者在京報明該旗在外呈明督撫不拘遠近任其隨便散處該督撫咨明該旗每年彙奏一次以便稽查務令安靜營生無得強橫生事如此則於功令不相妨礙伊等亦得安居樂業生計有資矣○丙申禁商民販苗民子女

○丁酉命纂滿洲祭神祭

神祭

天典禮○江蘇巡撫安富奏參布政使王師辦事遲留居心詐偽得旨解任以愛必達署江蘇布政

使原任山西

○庚子諭御史李文駒奏山西河南刁民屢次糾眾抗官請差員按部宣諭一摺朕觀奉使之員好事者則干預地方事

務與督撫抗其安靜者則不過乘傳往來敷衍了事以應虛文於風俗人心究無實際蓋厚撫綏興教化皆有司專責在地方官身

為司牧朝夕與民相親正當隨事教導示之禮法漸摩於不覺禁戒於未萌方為有益豈欽差巡歷一徧宣講一番即能使愚民共

喻頑梗革心收捷效於口頰聞乎夫糾眾抗官之事從前往往暗自消弭比來事無大小悉令上聞文武大吏不敢隱匿朕因得整

飭紀綱維持風俗隨時辦理不事姑息並非往日少而近日益見其多即如水旱偏災各省向所時有近歲雖不成災亦必入告亦

因朕明目達聰外吏無不據實陳奏初非水旱之較多於前也以通省之大間有一二縣一縣中聞有一二人此一二二人既伏辜正

法則其餘皆善良輩矣而仍復命使頻煩往來喋喋竟似方州比屋人盡冥頑非聚集訓諭不能感發天良是直以不肖待人為民

上者何忍出此譬之農夫為稼穡穀中不免一二稂莠畝稂莠則嘉穀自滋若因有稂莠而並嘉穀亦加之鋤釋則弊而反損此柳

宗元種樹之喻深戒夫長民者之好煩其令也御史條奏往往乘一時風氣辦水利則競言水利辦錢價則競言錢法訓飭刁民則

競言刁民近日袁銑曾奏請行保甲定地方官處分因係已行之事且曾屢降諭旨訓飭其摺未發今李文駒又為此奏伊等所見

大率如此是用明切曉諭知之○辛丑以董邦達為內閣學士由翰林院侍讀學士遷○甲辰諭此次引見月選官內有袁庸不勝知縣之任

著令改教者四人吏部過堂及九卿驗看何以不行舉出看來近日吏部九卿於驗看一事不能實心任事如此廢弛之漸殊為可

慮著嚴飭行知縣一官古稱司牧其才具之短長乃政治得失所關民生休戚所繫斷不可因其例應選用曲意姑容輒以社稷民

人寄之閭茸之輩也此等之人必不能望其整頓地方休養黎庶以無負父母斯民之責即使勉循其意令其赴任該督撫亦必以

才力不勝奏請改教在本人既多往返跋涉之勞設或更代之員仍復不能稱職則該地方竟至累月經年無正員經理案牘由此

日積風俗由此日墮流弊不可枚舉不若慎簡於銓選之初量材而授尚可冀其勉策勵是以重銓衡公驗看無非求盡所以擇

吏安民之道從前諄切訓諭至再至三而吏部九卿又復徂於積習不思激敘官方乃吏部職掌果其為官擇人甄別精當豈得謂

之專事權而作威福今第依次註名漫無可否乃昔人所謂一吏可任者權衡重寄固如是乎九卿為國家股肱耳目匡襄政治深

所倚賴月官人材之優劣年力之衰健可一望而得而拱默觀望諉之吏部吏部又諉之九卿九卿吏部交相諉實諉之於朕耳夫

謂知人之難者以其心術才具非外觀可定如杜預身不跨馬射不穿札爲晉名將裴度退然纔及中人爲唐名相以貌取人不能無失要其可用不可用則賢愚難立辨惟在實心與不實心耳能實心則鑒別不滑而庸鈍自見不實心則因循了事而良楮無分九卿之不行舉出豈其限於識見之不明不過謂已成之功名爲一言所阻恐怨謗所歸於是乎在不知身列大臣正當爲公事任怨任勞若謂無干已責職徇聲情不能分朕之憂救時之弊似此優柔姑息其將何所底止况秉公糾舉則驚駭不得與驟驟同聲燕石不得與連城相潤循卓之風必自此始卽在不自量之輩未必盡能心服而一人之得失與一邑之政治孰重孰輕范仲淹謂一家哭何如一路哭先哲名言當未之聞耶嗣後吏部九卿務體朕拳拳吏治之苦心共天公忠屏除瞻徇凡遇驗看之日詳慎簡擇擇拔人才鄭重司牧毋得任意因循懈怠 丙午諭近因校閱金史見所附國語解一篇其中譌舛甚多金源卽滿洲也其官制其人名用本朝語譯之歷歷可見但大金全盛時索倫蒙古亦皆所服屬備員遼廣語音本各不同而當時惟以國語爲重於漢文音義未嘗校正畫一其元臣纂修又不過沿襲紀載書文無暇一一校正謬以傳謬有自來矣卽如所解之中有聲相近而字未恰合或語似是而文有增損至於姓氏惟當對音而竟有譯爲漢姓者今既灼見其謬豈可置之不論爰命大學士訥親張廷玉尙書阿克敦侍郎舒赫德用國朝校定切音詳爲辨正令讀史者咸知金時本音本義謬爲之一洗並註清文以便考證卽用校正之本易去其舊其坊間原本聽其去留庶考古信今傳世行遠均有裨焉 戊申 上奉 皇太后啓鑾秋獵木蘭 辛亥諭軍機大臣等從前周學健來京時條奏請開上下竿塘十四島以興民利經軍機處議交該督撫查覆旋據巡撫陳大受奏稱檄委員弁查勘據稱原呈請開之紳士於各島徧貼告示招令佃漁諸人向其批字方許墾地掛網窮民惟恐失業俟勘明請旨等語此件尙在確勘未見題覆准行而紳士等貼示招人看此情形惟以包收眾利爲事全無實在與民興利之心今朕又聞各島田園無多其願墾者不過希冀海洋之利徒使紳衿富豪逞其欺占以圖私利於窮民非惟無益而且有害况各島一開未必不弛海禁尤有關繫圖一己之私倡此興利之說以惑眾聽此風爲民上者所當訓迪禁遏之何可滋長者傳諭該督撫等速行查勘定議題覆照舊嚴禁以息訟端 高山緣事降調以永甯署福建布政使 原任直隸按察使 甲寅慶復張廣泗奏金酋莎羅奔居勒烏闐就日吉父子屠劫耳崖見分兵兩路攻剿河西各寨亦應勦洗派遊擊羅朝同土司汪結帶兵進攻俱定於六月二十八日各路齊進臣張廣泗原擬駐紮谷腦迨到彼相度尙偏於西路是以仍回汶川由瓦寺取道沃日徑赴小金川美諾寨駐紮俟各路齊進後當率兵相機策應臣慶復見駐汶川彈壓今分路進兵擬出駐舊保以便商辦得旨覽奏俱悉朕始謂大學士慶復尙在汶川軍前有張廣泗一入足資辦理是以有旨令入閣辦事今觀此奏是前臨軍營矣若接旨而已起身回京則已若尙在事前且不必來京可俟奏凱功成大局已定然後起身可耳 乙卯 上奉 皇太后駐蹕避暑山莊

八月辛酉

上奉

皇太后自避暑山莊巡幸木蘭衍園

甲子飭禁紳士專利把持鄉曲

命哈喀爾喀內扎薩克六盟長印信

戰克捷情形得旨自汝等定期會勦之奏至朕日夜望捷音之來遲至如今亦不過小小之破碉克寨何足慰朕耶此內雖馬良柱
向屬奮勇有所攻克然用力圍攻旋受其降將來事成之日此等曾經違兇之犯問其罪乎將置而不問乎若置而不問數年之後
又一金酋耳則亦未爲計之得也至於許應虎在朕前力請出師效力今一獨松即不能克所謂奮勇直前者何在且攻碉復勝清
形總與班滾之事無異朕所慮者將來金酋又似班滾之生死不明則勞師動眾訖無成功必有身任其咎者卿等始終籌畫勿顧
目前爲國家圖永久靖安之策邊防銷疥癰寇伺之萌必如古州之至今苗民相安耕作控禦有方斯得矣○丙戌大學士等奏來
年孟春 皇上稽古東巡致祭 先師經過泰山肅將祀事應行典禮命臣等詳議查康熙二十三年 聖祖仁皇帝致祭關里均
用關里禮樂今遵舊制惟 文廟樂章雖經頒發曲阜恐本處樂工未諳令樂部太常寺量派司樂及樂舞生前往演習致祭禮成
御詩禮堂講書宣敕諭於五氏官員子弟宣讀敕諭於大學士內奏派一員講書人員於文職大臣內奏派二員會同衍聖公於
五氏子弟內選擇二員進講其敕諭及應講之書由翰林院撰擬講書禮成恭誦 孔林行祭酒禮至周公廟即在曲阜照例遣官
讀文致祭泰山靈嶽近在魯邦應行致祭古者因名山以升中原有燔柴之禮昔 聖祖仁皇帝因儀文度數書缺有開後世議封
禪者又多附會因從廷議照五嶽禮致祭今致祭泰山請照舊行禮惟是泰山向不用樂查周禮大司樂奏鞀實歌而鍾舞大夏以
祭山川是山川之祭自古用樂今特舉盛典秩于岱宗請倣古用樂其樂章令樂部撰擬樂器樂工及香帛等項令樂部太常寺帶
往從之○直隸總督那蘇圖奏查勘東鹿縣漳沱河改徙舊河漸成平地新河順軌安流無庸築堤捍禦其被水貧民已酌量賑恤
得旨所奏甚是一築隄即成河工有損無益之事也○是月張廣泗奏訪查班滾果否燒死之處聞有自班滾處逃回土兵昔什綽
扒搭兒喚至軍營細詰據供班滾於如郎寨逃出即往沙家邦寨中藏匿大兵焚毀泥日寨無班滾在內又提督武繩謨札稱新投
兵丁王懷信何在裏塘亦聞班滾未死傳說見在金川各等語是班滾未經燒死已屬顯然臣多方密訪務得實在下落再行奏聞
得旨覽此則班滾實未死也如其未死舍金川而何往一事而成兩功惟卿是賴至於一切顧慮恐惹嫌怨之處皆可不必勉之
九月戊子朔免經過地方本年額賦十分之三○命疏築山東蘭山等二縣河道隄堰○庚寅 皇清文顯告成 御製序曰我大
清受 命百有餘年 列祖德教涵濡光被海宇右文之盛炳焉與三代同風朕紹聞遜志以是爲學亦以是爲治失其文德一紀
於茲易曰觀乎人文以化成天下蓋自有天下而人經緯乎其間士君子之一言一行國家之制度文爲禮樂刑政布之爲教化措
之爲事功無非文也乃其菁華所萃蔚爲國華詞以敬之聲以永之律以和之諧協六同彰施五色典謨作焉雅頌興焉詩不云乎
追琢其章金玉其相文之盛也而磨之曰勉勉我王綱紀四方則所謂其風自上也曩我 皇祖命大學士陳廷敬選輯皇清文類
儲之延閣未及刊布 皇考復允廷臣之請開館編輯隨時益久之未竣朕因命自乾隆甲子以前先爲編次凡 御製詩文二

十四卷臣工賦頌及諸體詩文一百卷錄成序其首簡昔之論文以代爲次者於漢則有西漢文類唐則有文苑英華唐文粹宋則有文海文鑑元則有文類明則有文衡皆博綜一代著作之林無體不備今是編惟取經進之作朝廷館閣之篇與諸書小異然以觀斯文風尚當有取焉在易渙之象曰風行水上善立言者以爲天地自然之文而序卦受之以節言文之不可過也繼之以中孚言有實也節而不流徵之以信有典有則可久之道其在斯乎朕孜孜典學求所以善持之者固以爲撰文者鶴俾共勉云○壬辰上奉 皇太后駐蹕避暑山莊○癸巳以水災免江蘇崇明縣明年應徵額賦○丁酉 上奉 皇太后自避暑山莊回鑾○己亥命山東本年漕糧應運薊糧一併截留及上年地丁銀兩扣留備賑○辛丑諭軍機大臣等前據張廣泗奏報大金川情形雖未大勝而連破番寨去刮耳崖僅二十里似乎不久可以成功朕方望捷音之踵至乃此次所奏以賊礮所踞俱在絕險攻克頗難並未言及刮耳崖何時進取是奏凱尙需時日伊前後奏報相隔不過數日而情事各異即奏到之日亦遲速不同且此次未與大學士慶復會奏即慶復接到令其來京之旨已經起身彼即應奏明慶復既未奏聞而張廣泗此摺亦未聲明著傳旨詢問至所奏訪查班滾蹤迹其未死可知從前以其焚燒自縊朕即謂其情節可疑焉知不詭計免脫潛往大金川勾通番蠻今查奏如此則班滾之逃舍大金川而何往伊既附賊自必教之謀逆勾結黨援聚番鴛聽是以螳臂自恃敢於跳梁蓋番性難馴又多狡獪難各分門戶而聲氣相通鬼域之技隨在皆有即如郭羅克之後則有瞻對又繼之以金川即崇喜土司之仇殺雖爲穴中之鬪亦係啓釁之端若瞻對辦理妥協何至復有金川等事即裏塘土司汪結於征瞻對時效力著有功績爲大學士慶復所任用今觀張廣泗所奏王懷信供詞上年汪結授爲土司班滾亦差人到汪結處投哈達道喜則其心懷叵測眾番之暗傳聲息從可知矣且據肯什綽所供汪結做中班滾的兄弟俄木丁投降了叫班滾逃往別處去益可證班滾之始末汪結咸知則汪結蓋一陰巧小人彼既外示出力於我而內仍不使班滾怨彼此乃番蠻兩下獲利之巧智而慶復特墮其術中而不知耳將來此人須另有一番處置方可今汪結見在軍前尤宜事事密爲留意不可稍露機關致彼生疑而蹤迹班滾之事尤不可付之此人也總之此次用兵非小小克捷懲創於目前所可了事必須統計金川番情大爲籌辦實足以懾服諸蠻爲一勞永逸之策方不至事久復有蠢動若此時稍有遷就以圖速成將來辦理愈難反不若無此役之爲得計矣金川之役興師運餉勞苦已煩且天氣漸寒正宜乘時勦滅以奏膚功上年瞻對出師朕屢加督策始得結局茲以張廣泗嫻於師旅一以委之自無煩西顧之憂是以未屢頒旨訓飭今看尙無奏凱之期又不能不慮懷矣若班滾果在金川則殄滅醜類擒獲逃酋一事而成兩功全在此舉可傳諭張廣泗令其審度機宜速殲智勇等全制勝永靖蠻氛以副朕特用之意瞻對乃前車之戒不可蹈也○壬寅諭江西武備遠不及他省乃人所共知是以於該撫奏事之便言及令二總兵明白回奏高琦奏到時降旨交部察議者蓋因高琦莅任三載全無整頓非如岳鍾璜之到任未久者批知道了而可以不必交部察議也該部准應安列以定處分乃復議交該省詳查自來三降旨察議之人有如此弊聖主朱鑒鑒同鑒